

大般若波羅蜜多經卷第四百三十五

唐三藏法師玄奘奉 詔譯

第二分地獄品第三十九之二

善現有菩薩摩訶薩雖曾見佛若百若干。若多百千。於彼諸佛及弟子所亦多修行布施淨戒安忍精進靜慮般若而有所得爲方便故不能修學甚深般若波羅蜜多乃至布施波羅蜜多善現是菩薩摩訶薩聞說如是甚深般若波羅蜜多便從坐起捨衆而去。善現是菩薩摩訶薩輕慢如是甚深般若波羅蜜多。亦輕慢佛旣捨如是甚深般若波羅蜜多亦捨諸佛。

善現。今此衆中亦有彼類。聞我宣說甚深般若波羅蜜多。心不悅可。捨衆而去。所以者何。是善男子。善女人等。先世聞說甚深般若波羅蜜多。已曾捨去。今世聞說如是般若波羅蜜多。由宿習力還復捨去。善現是善男子。善女人等。於此所說甚深般若波羅蜜多。身語及心皆不和合。由斯造作增長愚癡惡慧罪業。彼由造作增長愚癡惡慧罪業聞說如是甚深般若波羅蜜多。卽便毀謗障礙棄捨。彼旣毀謗障礙棄捨。如是般若波羅蜜多。則爲毀謗障礙棄捨過去未來現在諸佛一切相智。彼由毀謗障礙棄捨過去未來。

現在諸佛一切相智。即便造作增長能感置正法業。
彼由造作增長能感置正法業。墮大地獄。經歷多歲。
若多百歲。若多千歲。若多百千歲。若多俱胝歲。若多
百俱胝歲。若多千俱胝歲。若多百千俱胝歲。若多百
千俱胝那庾多歲。大地獄中。受諸楚毒猛利大苦。彼
罪重故。於此世界。從一大地獄。至一大地獄。乃至火
劫水劫風劫未起已來。受諸楚毒猛利大苦。若此世
界火劫水劫風劫起時。彼置法業猶未盡故。死已。轉
生他方世界。與此同類大地獄中。經歷多歲。若多百
歲。若多千歲。乃至若多百千俱胝那庾多歲。大地獄

中受諸楚毒猛利大苦。彼罪重故於他世界從一大地獄至一大地獄乃至火劫水劫風劫未起已來受諸楚毒猛利大苦。若他世界火劫水劫風劫起時。彼墮法業猶未盡故死已轉生餘方世界與此同類大地獄中。經歷多歲。若多百歲。若多千歲乃至若多千俱胝那庾多歲。在地獄中受諸楚毒猛利大苦。彼罪重故於餘世界從一大地獄至一大地獄乃至火劫水劫風劫未起已來受諸楚毒猛利大苦。如是展轉遍歷十方諸餘世界。在地獄中受諸楚毒猛利大苦。若彼諸餘十方世界火劫水劫風劫起時。彼墮法

業猶未盡故死已還生此閒世界大地獄中從一大地獄至一大地獄乃至火劫水劫風劫未起已來受諸楚毒猛利大苦若此世界火劫水劫風劫起時彼置法業猶未盡故死已復生他餘世界經歷十方大地獄中受諸楚毒猛利大苦如是輪迴經無量劫彼置法罪業勢稍微從地獄出墮傍生趣經歷多歲若多百歲若多千歲乃至若多百千俱胝那庾多歲受傍生身備遭殘害恐迫等苦罪未盡故於此世界從一險惡處至一險惡處乃至火劫水劫風劫未起已來備遭殘害恐迫等苦若此世界三災壞時彼置法

業餘勢未盡。死已。轉生他方世界與此同類傍生趣中。經歷多歲。若多百歲。若多千歲。乃至若多百千俱胝那庾多歲。受傍生身。備遭殘害。恐迫等苦。罪未盡故於他世界。從一險惡處。至一險惡處。乃至火劫水劫風劫未起已來。備遭殘害。恐迫等苦。若他世界三災壞時。彼匱法業餘勢未盡。死已。轉生餘方世界與此同類傍生趣中。經歷多歲。若多百歲。若多千歲。乃至若多百千俱胝那庾多歲。受傍生身。備遭殘害。恐迫等苦。罪未盡故於餘世界。從一險惡處。至一險惡處。乃至火劫水劫風劫未起已來。備遭殘害。恐迫等

苦。如是展轉遍歷十方諸餘世界受傍生身備遭殘害恐迫等苦。若彼諸餘十方世界三災壞時。彼置法業餘勢未盡死已還生此閒世界傍生趣中。從一險惡處至一險惡處乃至火劫水劫風劫未起已來。備遭殘害恐迫等苦。若此世界三災壞時。彼置法業餘勢未盡死已復生他餘世界遍歷十方傍生趣中。廣受衆苦。如是循環經無量劫。彼置法罪業勢漸薄。脫傍生趣墮鬼界中。經歷多歲。若多百歲。若多千歲。乃至若多百千俱胝那庾多歲。於鬼界中備受飢羸煥渴等苦。罪未盡故。於此世界從一餓鬼國至一餓鬼。

國乃至火劫水劫風劫未起已來。備受飢羸煥渴等苦。若此世界三災壞時。彼匱法業餘勢未盡。死已轉生他方世界與此同類餓鬼趣中。經歷多歲。若多百歲。若多千歲。乃至若多百千俱胝那庾多歲。於鬼界中。備受飢羸煥渴等苦。罪未盡故。於他世界從一餓鬼國至一餓鬼國。乃至火劫水劫風劫未起已來。備受飢羸煥渴等苦。若他世界三災壞時。彼匱法業餘勢未盡。死已轉生餘方世界與此同類餓鬼趣中。經歷多歲。若多百歲。若多千歲。乃至若多百千俱胝那庾多歲。於鬼界中。備受飢羸煥渴等苦。罪未盡故。於

餘世界。從一餓鬼國。至一餓鬼國。乃至火劫水劫風劫未起已來。備受飢羸煥渴等苦。如是展轉遍歷十方諸餘世界。於鬼界中。備受飢羸煥渴等苦。若彼諸餘十方世界三災壞時。彼匱法業餘勢未盡。死已。還生此閒世界餓鬼趣中。從一餓鬼國。至一餓鬼國。乃至火劫水劫風劫未起已來。備受飢羸煥渴等苦。若此世界三災壞時。彼匱法業餘勢未盡死已。復生他餘世界。遍歷十方餓鬼趣中。廣受眾苦。如是周流經無量劫。彼匱法業餘勢將盡。出餓鬼界來生人中。雖得爲人而居下賤。謂或生在生盲聾家。或旃荼羅家。

或補羯娑家。或屠膾家。或漁獵家。或工匠家。或樂人
家。或邪見家。或餘猥穢惡律儀家。或所受身無眼無
耳。無鼻無舌。無手無足。盲瞎聾瘡。瘻疽瘓瘍。風狂癲
癇。瘧殘背傻。矬陋攀躋。諸根缺減。黧黒窮頓。頑嚚無
識。諸有所爲人皆輕誚。或所生處不聞佛名法名僧
名菩薩名獨覺名。或復生於幽暗世界。恆無晝夜。不
覩光明。居處險阻。穢惡毒刺。何以故。善現。彼置法業
造作增長極深重故。受如是等不可愛樂圓滿苦果。
品類衆多難可具說。爾時舍利子白佛言。世尊。如來
常說罪中重者。謂五無間。今說第六造作增長壞正

法業與五無閒爲相似耶。佛言舍利子。壞正法業最極麤重。不可以比五無閒業。謂彼聞說甚深般若波羅蜜多。卽便不信。誹謗毀訾。言如是語。非諸如來應正等覺之所演說。非法非律。非大師敎。我等於此不應修學。是謗法人。自謗般若波羅蜜多。亦敎無量有情。毀謗自壞其身。亦令他壞。自飲毒藥。亦令他飲。自失生天解脫樂果。亦令他失。自持其身足地獄火。亦以他身足地獄火。自不信解。甚深般若波羅蜜多。亦轉教他令不信解。甚深般若波羅蜜多。自溺苦海。亦令他溺。舍利子。我於如是甚深般若波羅蜜多。尙不

欲令謗正法者。聞其名字。況爲彼說。舍利子。謗正法者。我尙不聽住。菩薩乘諸善男子。善女人等。聞其名字。況令眼見。豈許共住。何以故。舍利子。諸有謗毀甚深般若波羅蜜多。當知彼名壞正法者。墮黑暗類。如穢蝴蝶。自汙汙他。如潰糞聚。若有信用壞法者言。亦受如前所說大苦。舍利子。諸有破壞甚深般若波羅蜜多。當知彼類。卽是地獄傍生餓鬼。決定當受極重猛利無邊大苦。是故智者不應毀謗甚深般若波羅蜜多。時舍利子復白佛言。世尊。何緣但說如是壞正法者。墮大地獄。傍生鬼界。長時受苦。而不說彼形貌。

身量。佛言舍利子。止。不應說壞正法者。當來所受惡趣形量。何以故。舍利子。若我具說壞正法者。當來所受惡趣形量。彼聞驚怖。當吐熱血。便致命終。或近死苦。心頓憂惱。如中毒箭。身漸枯頹。如逢霜草。恐彼聞說壞正法者。當受如是大醜苦身。徒自驚惶喪失身命。我愍彼故。不爲汝說壞正法罪形貌身量。舍利子。言。惟願佛說壞正法者。當來所受惡趣形量。明誠未來。令知謗法當獲大苦。不造斯罪。佛言舍利子。我先所說。足爲明誠。謂未來世諸善男子。善女人等。聞我所說壞正法業。造作增長極圓滿者。墮大地獄傍生。

鬼界一一趣中。長時受苦。足自競持不謗正法。時舍利子便白佛言。唯然世尊。唯然善逝。當來素性諸善男子。善女人等。聞佛先說謗正法罪。感長時苦。足爲明誠。寧捨身命。終不謗法。勿我未來當受斯苦。爾時具壽善現。白佛言。世尊。若有聰慧諸善男子。善女人等。聞佛所說謗正法人。於當來世久受大苦。應善護持身語意業。勿於正法誹謗毀壞。墮三惡趣。長時受苦。於久遠時。不得見佛。不聞正法。不值遇僧。不得生於有佛國土。雖生人趣。下賤貧窮。醜陋頑愚。支體缺減。諸有所說人不信受。具壽善現復白佛言。造作增

長感匱法業。豈不由習惡語業耶。佛言善現。如是如是。實由串習惡語業故。造作增長感匱法業。於我正法毘奈耶中。當有愚癡諸出家者。彼雖稱我以爲大師。而於我說甚深般若波羅蜜多。誹謗毀壞。善現當知若有誹毀甚深般若波羅蜜多。則爲誹毀諸佛無上正等菩提。若有誹毀諸佛無上正等菩提。則爲誹毀過去未來現在諸佛一切相智。若有誹毀過去未來現在諸佛一切相智。則爲誹毀一切如來應正等覺。若有誹毀一切如來應正等覺。則爲誹毀佛寶法寶苾芻僧寶。若有誹毀佛法僧寶。則當誹毀世間正

見。若當謗毀世間正見。則當謗毀布施淨戒安忍精進靜慮般若波羅蜜多。亦當謗毀內空乃至無性自性空。亦當謗毀四念住乃至八聖道支。如是乃至亦當謗毀如來十力。乃至十八佛不共法。亦當謗毀一切智道相智。一切相智。彼由謗毀一切相智。卽便攝受無量無數無邊罪業。由彼攝受無量無數無邊罪業。卽便攝受一切地獄傍生鬼界。及人趣中無量無數無邊大苦。具壽善現復白佛言。彼諸愚夫。幾因緣故。謗毀如是甚深般若波羅蜜多。佛言善現。由四因緣。彼諸愚夫。謗毀如是甚深般若波羅蜜多。何等爲

四。一者爲諸邪魔所扇惑故。彼諸愚夫。謗毀如是甚深般若波羅蜜多。二者。於甚深法不信解故。彼諸愚夫。謗毀如是甚深般若波羅蜜多。三者。不勤精進。耽著五蘊諸惡知識所攝受故。彼諸愚夫。謗毀如是甚深般若波羅蜜多。四者。多懷嗔恚樂行惡法。喜自高舉輕蔑他故。彼諸愚夫。謗毀如是甚深般若波羅蜜多。善現。彼諸愚夫。由具如是四因緣故。謗毀如是甚深般若波羅蜜多。由此當來受無量苦。具壽善現復白佛言。世尊。世間愚夫不勤精進。爲惡知識之所攝受。未種善根。具諸惡行。於佛所說甚深般若波羅蜜

多。實難信解。佛言善現。如是如是。如汝所說。世間愚夫。不勤精進。爲惡知識之所攝受。未種善根。具諸惡行。於我所說甚深般若波羅蜜多。實難信解。具壽善現。復白佛言。如是般若波羅蜜多。云何甚深難信難解。佛言善現。色無縛無解。何以故。以色無所有性。爲色自性故。受想行識無縛無解。何以故。以受想行識無所有性。爲受想行識自性故。善現。眼處乃至意處無縛無解。何以故。以眼處乃至意處無所有性。爲眼處乃至意處自性故。色處乃至法處無縛無解。何以故。以色處乃至法處無所有性。爲色處乃至法處自

性故。善現。眼界乃至意界無縛無解。何以故。以眼界乃至意界無所有性。爲眼界乃至意界自性故。色界乃至法界無縛無解。何以故。以色界乃至法界無所有性。爲色界乃至法界自性故。眼識界乃至法界無所有性。無縛無解。何以故。以眼識界乃至意識界無所有性。爲眼識界乃至意識界自性故。眼觸乃至意觸無縛無解。何以故。以眼觸乃至意觸無所有性。爲眼觸乃至意觸自性故。眼觸乃至意觸無縛無解。何以故。以眼觸爲緣所生諸受乃至意觸爲緣所生諸受。乃至意觸自性故。眼觸爲緣所生諸受乃至意觸爲緣所生諸受。乃至意觸爲緣所生諸受無所有性。爲眼觸爲緣所生諸受。乃至意觸爲緣所生諸受無所有性。爲眼觸爲緣所生諸受。

生諸受乃至意觸爲緣所生諸受自性故善現布施波羅蜜多乃至般若波羅蜜多無縛無解。何以故。以布施波羅蜜多乃至般若波羅蜜多無所有性爲布施波羅蜜多乃至般若波羅蜜多自性故善現內空乃至無性自性空無縛無解。何以故。以內空乃至無性自性空無所有性爲內空乃至無性自性空自性故善現四念住乃至八聖道支無縛無解。何以故。以四念住乃至八聖道支無所有性爲四念住乃至八聖道支自性故善現如是乃至如來十力乃至十八佛不共法無縛無解。何以故。以如來十力乃至十八

佛不共法無所有性爲如來十力乃至十八佛不共法自性故。善現。一切智無縛無解。何以故。以一切智無所有性爲一切智自性故。道相智一切相智無縛無解。何以故。以一切智無解。一切相智一切相智無所有性爲道相智一切相智自性故。復次善現。色前際無縛無解。何以故。以色前際無所有性爲色前際自性故。受想行識前際無縛無解。何以故。以受想行識前際無所有性爲受想行識前際自性故。如是乃至一切智前際無縛無解。何以故。以一切智前際無所有性爲一切智前際自性故。道相智一切相智前際無縛無解。何

以故。以道相智。一切相智。前際無所有性。爲道相智。
一切相智。前際自性故。善現。色後際無縛無解。何以
故。以色後際無所有性。爲色後際自性故。受想行識
後際無縛無解。何以故。以受想行識後際無所有性。
爲受想行識後際自性故。如是乃至。一切智後際無
縛無解。何以故。以一切智後際無所有性。爲一切智
後際自性故。道相智。一切相智。後際無縛無解。何以
故。以道相智。一切相智。後際無所有性。爲道相智一
切相智。自性故。善現。色中際無縛無解。何以故。以色
中際無所有性。爲色中際自性故。受想行識中際無

縛無解。何以故。以受想行識中際無所有性爲受想行識中際自性故。如是乃至一切智中際無縛無解。何以故。以一切智中際自性故。如是乃至一切智中際自性故。道相智一切相智中際無所有性爲一切智中際自性故。道相智一切相智中際無所有性爲一切智中際自性故。中際自性故。具壽善現復白佛言。世尊。不勤精進。未種善根。具不善根。惡友所攝。懈怠增上。隨魔力行。精進微劣。失念惡慧補特伽羅。於佛所說甚深般若波羅蜜多。實難信解。佛言。善現。如是如是。如汝所說。不勤精進。未種善根。具不善根。惡友所攝。懈怠增上。隨

魔力行精進微劣。失念惡慧補特伽羅。於我所說甚深般若波羅蜜多。實難信解。所以者何。善現。色清淨卽果清淨。果清淨卽色清淨。是色清淨與果清淨無二無別。無壞無斷。受想行識清淨。卽果清淨。果清淨卽受想行識清淨。是受想行識清淨。與果清淨無二無別。無壞無斷。如是乃至一切菩薩摩訶薩行清淨。卽果清淨。果清淨卽一切菩薩摩訶薩行清淨。是一切菩薩摩訶薩行清淨與果清淨。無二無別。無壞無斷。諸佛無上正等菩提清淨。卽果清淨果清淨。卽諸佛無上正等菩提清淨。是諸佛無上正等菩提清淨。

與果清淨。無二無別。無壞無斷。復次善現。色清淨。卽般若波羅蜜多清淨。般若波羅蜜多清淨。卽色清淨。是色清淨。與般若波羅蜜多清淨。無二無別。無壞無斷。受想行識清淨。卽般若波羅蜜多清淨。般若波羅蜜多清淨。卽受想行識清淨。是受想行識清淨。與般若波羅蜜多清淨。無二無別。無壞無斷。如是乃至一切智清淨。卽般若波羅蜜多清淨。般若波羅蜜多清淨。卽一切智清淨。是一切智清淨。與般若波羅蜜多清淨。無二無別。無壞無斷。道相智一切相智清淨。卽道相智般若波羅蜜多清淨。般若波羅蜜多清淨。卽道相智

一切相智清淨。是道相智一切相智清淨。與般若波羅蜜多清淨無二無別。無壞無斷。復次善現。色清淨。卽一切智智清淨。一切智智清淨。節色清淨。是色清淨。與一切智智清淨。無二無別。無壞無斷。受想行識清淨。卽一切智智清淨。一切智智清淨。卽受想行識清淨。是受想行識清淨。與一切智智清淨。無二無別。無壞無斷。如是乃至一切智清淨。卽一切智智清淨。一切智智清淨。一切智智清淨。是一切智清淨。與一切智智清淨。無二無別。無壞無斷。道相智一切相智清淨。卽一切智智清淨。一切智智清淨。卽道相智一

一切相智清淨。是道相智。一切相智清淨。與一切智智
清淨。無二無別。無壞無斷。復次善現。不二清淨。卽色
清淨。色清淨。卽不二清淨。是不二清淨。與色清淨。無
二無別。無壞無斷。不二清淨。卽受想行識清淨。受想
行識清淨。卽不二清淨。是不二清淨。與受想行識清
淨。無二無別。無壞無斷。如是乃至不二清淨。卽一切
智清淨。一切智清淨。卽不二清淨。是不二清淨。與一
切智清淨。無二無別。無壞無斷。不二清淨。卽道相智
一切相智清淨。道相智。一切相智清淨。卽不二清淨。
是不二清淨。與道相智。一切相智清淨。無二無別。無

壞無斷。復次善現。我有情乃至知者見者清淨。卽色清淨。色清淨。卽我有情乃至知者見者清淨。是我有情乃至知者見者清淨。與色清淨。無二無別。無壞無斷。我有情乃至知者見者清淨。卽受想行識清淨。受想行識清淨。卽我有情乃至知者見者清淨。是我有情乃至知者見者清淨。與受想行識清淨。無二無別。無壞無斷。如是乃至我有情乃至知者見者清淨。卽一切智清淨。一切智清淨。卽我有情乃至知者見者清淨。是我有情乃至知者見者清淨。與一切智清淨。無二無別。無壞無斷。我有情乃至知者見者清淨。卽

道相智一切相智清淨。道相智一切相智清淨。卽我有情乃至知者見者清淨。是我有情乃至知者見者清淨。與道相智一切相智清淨無二無別。無壞無斷。復次善現。貪嗔癡清淨。卽色清淨。色清淨。卽貪嗔癡清淨。是貪嗔癡清淨。與色清淨無二無別。無壞無斷。貪嗔癡清淨。卽受想行識清淨。受想行識清淨。卽貪嗔癡清淨。是貪嗔癡清淨。與受想行識清淨無二無別。無壞無斷。如是乃至貪嗔癡清淨。卽一切智清淨。一切智清淨。卽貪嗔癡清淨。是貪嗔癡清淨。與一切智清淨無二無別。無壞無斷。貪嗔癡清淨。卽道相智

一切相智清淨。道相智一切相智清淨。卽貪嗔癡清淨。是貪嗔癡清淨。與道相智一切相智清淨。無二無別。無壞無斷。復次善現。色清淨故受清淨。受清淨故色清淨。是色清淨。與受清淨無二無別。無壞無斷。如是受清淨故。想清淨。想清淨故行清淨。行清淨故識清淨。識清淨故眼處乃至意處清淨。意處清淨故色處乃至法處清淨。法處清淨故眼界乃至意界清淨。意界清淨故色界乃至法界清淨。法界清淨故眼識界乃至意識界清淨。意識界清淨故眼觸乃至意觸清淨。意觸清淨故眼觸爲緣所生諸受乃至意觸爲

緣所生諸受清淨。意觸爲緣所生諸受清淨故。無明乃至老死愁歎苦憂惱清淨。老死愁歎苦憂惱清淨故。般若波羅蜜多乃至布施波羅蜜多清淨。布施波羅蜜多清淨故。內空乃至無性自性空清淨。無性自性空清淨故。四念住乃至八聖道支清淨。八聖道支清淨故。展轉乃至佛十力乃至十八佛不共法清淨。十八佛不共法清淨故。一切智清淨。一切智清淨故。道相智清淨。道相智清淨故。一切相智清淨。一切相智清淨故。道相智清淨。是道相智清淨與一切相智清淨無二無別。無壞無斷。復次善現。般若波羅蜜多

清淨故。色清淨。色清淨故。一切智智清淨。若般若波羅蜜多清淨。若色清淨。若一切智智清淨。無二無別。無壞無斷。廣說乃至般若波羅蜜多清淨故。一切相智清淨。一切相智清淨故。一切智智清淨。若般若波羅蜜多清淨。若一切相智清淨。若一切智智清淨。無二無別。無壞無斷。如是乃至布施波羅蜜多清淨故。色清淨。色清淨故。一切智智清淨。若布施波羅蜜多清淨。若色清淨。若一切智智清淨。無二無別。無壞無斷。廣說乃至布施波羅蜜多清淨故。一切相智清淨。一切相智清淨故。一切智智清淨。若布施波羅蜜多

清淨。若一切相智清淨。若一切智智清淨。無二無別。
無壞無斷。善現。內空清淨故。色清淨。色清淨故。一切
智智清淨。若內空清淨。若色清淨。若一切智智清淨。
無二無別。無壞無斷。廣說乃至內空清淨故。一切相
智清淨。一切相智清淨故。一切智智清淨。若內空清
淨。若一切相智清淨。若一切智智清淨。無二無別。無
壞無斷。如是乃至無性自性空清淨故。色清淨。色清
淨故。一切智智清淨。若無性自性空清淨。若色清淨。
若一切智智清淨。無二無別。無壞無斷。廣說乃至無
性自性空清淨故。一切相智清淨。一切相智清淨故。

一切智智清淨。若無性自性空清淨。若一切相智清淨。若一切智智清淨。無二無別。無壞無斷。善現。四念住清淨故。色清淨。色清淨故。一切智智清淨。若四念住清淨。若色清淨。若一切智智清淨。無二無別。無壞無斷。廣說乃至四念住清淨故。一切相智清淨。一切相智清淨故。一切智智清淨。若四念住清淨。若一切相智清淨。若一切智智清淨。無二無別。無壞無斷。如是乃至八聖道支清淨故。色清淨。色清淨故。一切智智清淨。若八聖道支清淨。若色清淨。若一切智智清淨。無二無別。無壞無斷。廣說乃至八聖道支清淨故。

一切相智清淨。一切相智清淨故。一切智智清淨。若八聖道支清淨。若一切相智清淨。若一切智智清淨。無二無別。無壞無斷。善現。如是乃至如來十力清淨。色清淨。色清淨故。一切智智清淨。若如來十力清淨。若色清淨。若一切智智清淨。無二無別。無壞無斷。廣說乃至如來十力清淨故。一切相智清淨。一切相智清淨故。一切智智清淨。若如來十力清淨。若一切相智清淨。若一切智智清淨。無二無別。無壞無斷。如是乃至十八佛不共法清淨故。色清淨。色清淨故。一切智智清淨。若十八佛不共法清淨。若色清淨。若一

一切智智清淨。無二無別。無壞無斷。廣說乃至十八佛不共法清淨故。一切相智清淨。一切相智清淨故。一切智智清淨。若十八佛不共法清淨。若一切相智清淨。若一切智智清淨。無二無別。無壞無斷。善現。一切智清淨故。色清淨。色清淨故。一切智智清淨。若一切智清淨。若色清淨。若一切智智清淨。無二無別。無壞無斷。廣說乃至一切智智清淨故。一切相智清淨。一切相智清淨故。一切智智清淨。若一切智清淨。若一切相智清淨。若一切智智清淨。無二無別。無壞無斷。如是乃至一切相智清淨故。色清淨。色清淨故。一切智

智清淨。若一切相智清淨。若色清淨。若一切智智清淨。無二無別。無壞無斷。廣說乃至一切相智清淨故。道相智清淨。道相智清淨故。一切智智清淨。若一切相智清淨。若道相智清淨。若一切智智清淨。無二無別。無壞無斷。復次善現。一切智智清淨故。色清淨。色清淨故。般若波羅蜜多清淨。若一切智智清淨。若色清淨。若般若波羅蜜多清淨。無二無別。無壞無斷。廣說乃至一切智智清淨故。一切相智清淨。一切相智清淨故。般若波羅蜜多清淨。若一切智智清淨。若一切相智清淨。若般若波羅蜜多清淨。無二無別。無壞

無斷。如是乃至一切智智清淨故。色清淨。色清淨故。
一切相智清淨。若一切智智清淨。若色清淨。若一切
相智清淨。無二無別。無壞無斷。廣說乃至一切智智
清淨故。道相智清淨。道相智清淨故。一切相智清淨。
若一切智智清淨。若道相智清淨。若一切相智清淨。
無二無別。無壞無斷。其中一一所有文句。皆應類前
次第廣說。復次善現。有爲清淨故。無爲清淨。無爲清
淨故。有爲清淨。若有爲清淨。若無爲清淨。無二無別。
無壞無斷。復次善現。過去清淨故。未來清淨。未來清
淨故。過去清淨。若過去清淨。若未來清淨。無二無別。

無壞無斷。過去清淨故。現在清淨。現在清淨故。過去
清淨。若過去清淨。若現在清淨。無二無別。無壞無斷。
未來清淨故。現在清淨。現在清淨故。未來清淨。若未
來清淨。若現在清淨。無二無別。無壞無斷。過去清淨
故。未來現在清淨。未來現在清淨故。過去清淨。若過
去清淨。若未來現在清淨。無二無別。無壞無斷。未來
清淨故。過去現在清淨。過去現在清淨故。未來清淨。
若未來清淨。若過去現在清淨。無二無別。無壞無斷。
現在清淨故。過去未來清淨。過去未來清淨故。現在
清淨。若現在清淨。若過去未來清淨。無二無別。無壞

無斷。

大般若波羅蜜多經卷第四百三十五

音釋

匱

求位乏也

切

羸

力追瘦也

切

補

羯

娑

梵語也

此謂昇死屍

類

居調切

羯居

調切

切

漁

獵

魚也

切

居

調切

切

漁

獵

居

調切

切